



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Caroli Scribani[i] Amor Divinvs

Scribanius, Carolus

Mogvntiæ, 1616

Cap. XIII. Votum patiendi cum dilecto.

[urn:nbn:de:hbz:466:1-46242](https://nbn-resolving.org/urn:nbn:de:hbz:466:1-46242)

## CAPVT XIII.

*Votum patiendi cum dilecto.*

**V**BIES dilecte mi? non inter amātes bonorum malorumq; communicatio quædam est? quid ergo solus pateris sine me? aut desperasti de amore meo? & excludor vinculis, flagris, corona spinea, clavis, cruce, lancea? quousque diffidis de amore meo? nam si non diffidis, cur non admittis socium sanguinei sudoris tui? cur non ponor in agonia tecum? cur inter suspiria hæc mea, non fluunt sudores tamquam riui, non salit sanguis tamquam fontes? non stagnant sudore & sanguine firmata balnea, tamquam lacus? cur non reserantur venæ meæ flumina deuomentes, quibus omni deciduo imbri fecundius tamquam Nilo amæ meæ hortus irroretur? cur sudorum sanguinumq; fluminibus non nato



nato tecum? cur sanguineo tecum  
 imbutus e non perpluitur corporis mei  
 terra? nam qui hic obices intercur-  
 runt? peccata? si non sat lota sudori-  
 bus anima, lauetur sanguine. Si ablu-  
 tio criminibus minor est, natet san-  
 guine, totoq; se iam sanguineo pro-  
 luat flumine. Largire hoc tantum  
 dilecte mi.

Non quero delicias aut epulonias  
 mensas, non vina consulibus nume-  
 rata, non purpuram libidine tin-  
 ctam. sudore sanguineq; madentem  
 quero. Liceat hunc tecum profun-  
 dere, liceat nocentem hunc inno-  
 cuo tuo miscere. Si negas? mori sal-  
 tem liceat, & inter spinas, flagra, cla-  
 uos, lanceam, animam ponere indi-  
 cem amoris mei, amoris tui. Si ab a-  
 mante socia deposcerem gaudia, ne-  
 garet amans? nunc vincula & spinas  
 posco. Aut si parum est stringi loris,  
 conterebrari spinis; en pedes, en  
 manus. Confige clavis. Si nec sic ex-  
 pleo



pleo amorem: en latus lancea referendum, adeoque corpus totum cruci commetiendum. Non quæro lauro aut coronari violis: spinis volo. Durum negare spinas. Si hedera, oleastro, palma, palmitē, aurové aut gēma redimiri peterem, num diffidere de amati benevolentia debebam? nunc cum spinis coronari deprecamur nec impetrem, quid dicam? felices spinæ dilecti vertice purpuratæ! dulces spinæ: non iam spinæ sed rosæ.

Ite delitiæ. Nullæ mihi certiores, castiores, dilecti mei spinis. Vos osculor, amplectorq; omni viola suaviores, tam nobili sanguine fœcundatas. Quas hinc rosas sperem? Sed neque hæ spinæ spinas, botros producant, quibus inebrietur dilectus meus. Etiam pendent ciccinni capitibus illius musto pleni. Carpe anima mea. Bibe & exfatiare purpureo hoc musto, spinis tamquam torculari expresso. Et florent non iam vix tamquam



quam in semine, sed musteo purpu-  
 reoque deprimuntur onere carissi-  
 mi verticis tui palmites. Carpe & in-  
 ebriare. Nulla vitis tulit has vuas cæ-  
 lorum cellis reponendas. Nulla vi-  
 nea tulit hos fructus perditæ liberta-  
 tis pretium, æternæ gloriæ pignus.  
 Concede dilecte mi, ut & ego coro-  
 natus his spinis, vinea fiam, vuas ger-  
 minans sanguineo musto signandas,  
 quibus inebrieris delitiis affluens; &  
 bibas in iucunditate vinum quod ti-  
 bi fuderunt spinæ tuæ, scæundæ ma-  
 tres, vberè vindemia, vinitore te in  
 omnem æternitatē victuræ. Verùm  
 non exfatior nudis spinis quacumq;  
 purpura vestitis: ita auarus omnis a-  
 mor est, perennemque sitim suam  
 inæstuans fatetur. Ardeo. Non ex-  
 tinguitur auida hæc sitis vna vinde-  
 mia, non expletur vno torculari. A-  
 lios vtres, vasa scrutatur alia. Et iam  
 inuenit sedula scrutatrix vasa alia in-  
 æstuantia vino optimo, omnium æ-

P

gritu-



gritudinum medicabulo, quale in  
illam diem nullæ terris celoque vites  
tulerunt. At quis referabit claustra  
fitienti nouercali manu signata? fe-  
rei refera: ut clauis, quis vetet bibere?  
bibamus & inebriemur anima mea  
Amoris vino. Parum est; nisi iisdem  
clauis configar amato, nulla sitim le-  
uabunt vina. Neque nunc tam vina  
volo quam clauos. Vos amo & colo.  
Tantum miseremini languenti, ad-  
eoq; & morienti animæ. viua? non  
vivo, nisi vestro robore confixus  
mato, manibusq; manus, pedibusq;  
nectatis pedes.

Eueniat hoc mihi beneficio ve-  
stro dilecti ante omnes clauis. Magna  
vobis debeo qui amorum referastis  
claustra, ut exsilirent fontes arte-  
num medici, qui languentem ani-  
mam & tantum non abituram pur-  
pureo suo reuocarent nectare, tot  
seculis negato. Maiora tamen vobis  
debeo, si inenodabili hanc an-  
ma



mam nexu confixeritis amato, vt  
 per pedes manusque illius, pedes  
 manusque meæ configantur cruci.  
 Ô sentiam! veniatque tot votis opta-  
 ta dies illa, qua indissolubili nexu  
 configar Amori. Non timeo duri-  
 tiam ferri aut chalybis. Molliores  
 mihi clavi omni spongia & pluma  
 sunt, si his adnectar tot modis ama-  
 to mihi amori meo cruci affixo. nam  
 quid extra hanc mihi profint clavi?  
 non benè vix præmuntur extra tor-  
 cularia. Vuarum mearum votiuum  
 torcular crux est, & hæc sola. In hoc  
 premi conterique cum dilecto meo,  
 beatum. Vt fluant vtriusque amica  
 vina, sudoribus, lachrymis, sanguine  
 elicita, diuite terris fœneratione, fe-  
 lici cælo reconditorio æternum  
 reponenda.